



金梁夢月詞目

上卷

四字令

阮郎歸 二調

青玉案

一翦梅

蝶戀花

三調

瑞鶴仙

一枝春

西湖月

陌上花

念奴嬌

解連環

二調

金縷曲

二調

三姝媚

聲聲慢

二調

好事近

四調

丁香結

詞目

踏莎行

浪淘沙

二調

南樓令

醜奴兒慢

高陽臺

三調

玉漏遲

喜遷鶯

月華清

三調

絳都春

瓊瓏玉

二調

望海潮

瑣窗寒

齊天樂

六調

新鴈過妝樓

二調

訴衷情

二調

思佳客

五調

尉遲杯

夢橫塘

江城梅花引

菩薩蠻

八調



洞仙歌

相見歡

二調

清平樂

揚州慢

憶舊游

天香

綠意

摸魚子

下卷

夢芙蓉

摸魚子

七調

望湘人

澡蘭香

二調

高陽臺

三調

滿庭芳

綺羅香

二調

瑣窗寒

三調

采桑子

三調

喜遷鶯

令

詞目

風蝶令

二調

浣溪紗

十二調

鵲橋仙

三姝媚

三調

催雪

下香結

瑤花

真珠簾

瑞龍吟

念奴嬌

惜秋華

金盞子

金縷曲

應天長

陌上花

解連環

二調

浪淘沙慢

慶春宮

東風第一枝

二調

更漏子

二調

芳草渡

好事近

絳都春

荷葉杯

南鄉子

玲瓏四犯

喜遷鶯

六醜

一枝春

瑞鶴仙

懷夢詞目

附

青山溼徧

西湖月

玉漏遲

沁園春

四調

陌上花

月下笛

浣溪紗

四調

桂殿秋

詞目

柳梢青

三調

翠樓吟

花心動

夢芙蓉

霜葉飛

倒犯

金菊對芙蓉

洞仙歌

金縷曲

清平樂

二郎神

花犯

慶春宮

多麗

祝英臺近

十調

最高樓

十拍子

十六字令

三調

金梁夢月詞上

壬申至丙子

祥符 周之琦

穉圭

四字令

吟香綺櫳。傳詩翠筒。玉梅纔識春容。釀春光未濃。虹  
梁半空。魚波萬重。舊時月色相逢。話家山夢中。

阮郎歸

昨宵同賦冶春詞。芳襟暗共期。今朝卻是送春時。紅螺  
懶更持。來又恨。去還思。淒涼花一枝。哀箏彈損遠山  
眉。此情金鴈知。

又

金梁夢月詞上

朝來春色媚檐牙。晴暉散曙霞。晚來秋影到窗紗。新眉  
試月華。羅帳倚。繡簾斜。催歸夢未差。紅燈開作可憐  
花。今宵真到家。

青玉案

西山顏色仍依舊。只添了。眉痕皺。小院珠簾垂永晝。吟  
箋半摺。畫闌孤倚。長憶分襟後。閒中記曲拈紅豆。風  
雨還驚夜來驟。曾問南園芳事否。鶯如人。懶。花如人。醉  
春也。如人瘦。

一翦梅

春水和李賓石

一鏡烟痕望裏收。咫尺回橋，綠輦香柔。有人扶上木蘭舟。載了春心，蕩了春愁。冶葉傳情恨未休。照影嬋娟，那處妝樓。小紅闌外是西洲。今日東風，明日東流。

蝶戀花

門外垂楊千萬縷。不繫春光，只繫春愁住。文杏巢空雙燕去。紫簫聲裏，屏山暮。恨別江郎渾懶賦。一抹烟痕，舊約無尋處。五里東風三里雨。蘼蕪吹冷，天涯路。

瑞鶴仙

舟枕人

屠琴隴舊寓米市胡同雙藤老屋諸同志時時

觴詠其間距今三載矣嘉慶壬申春杪琴隴真

金梁夢月詞上

二

州書來重話疇曩因賦此闕爾時同集者劉芙初董琴南朱勳楹謝向亭錢衍石賀耦庚琴隴及余爲八人皆戊辰同年友也

素天分鴈軫，話夢影揚州。月痕初暈，情波寄蘭訊。又魚箋手擘麝煤心，印琴歌興引。且漫說游蹤未準，但匆匆側帽吟來，輸與舊時青鬢。還問雙藤在否，絡架扶牆幾番紅褪。交枝翠隱蒼蘚路，有誰認怕幽禽忘了花魂。清瘦卻道棲香正穩，倚黃昏闌角，尖風峭寒自忍。

一枝春

白芍藥

婪尾杯深殿羣芳付與伶俜花影嬌姿澹掃不許綺羅  
人並薔薇臥晚記曾共曲闌閒凭空自把情淚偷含夢  
入瑣窗烟冷 前帚素波低映漸韶華過卻將離折贈  
東風倦眼到得粉融酥凝濃春未了問誰見玉奴妝靚  
還更怕殘月揚州杜鵑喚醒

西湖月

題孤山放鶴圖

巢居不鎖仙心弄遠影徧襍絳霄風穩素裳縞袂澹湖  
十里翠峯千仞圓吭清響遞更兩兩瑤笙松吹引儘戀  
著嶺畔梅花肯說玉京飛近 輒紅我尚淹畱歎蕙帳  
塵空怨懷誰訊故園秋矣禰褊瘦翻不堪重認芝田歸  
有路但倦羽商量期未準枉回首夢裏青山白雲無盡

陌上花

七夕

雙星寄語紅綃亭上舊香誰採麗句南唐吹冷半空仙  
籟當時恨與東流去容易朱顏催改慶長生唱出鳳簫  
一曲悶持羅帶 話前因夢裏填橋烏鵲那見織雲飛  
蓋片石支機還是聘錢難貸占絲鈿合空相約孤負西  
樓人待但清秋認取梧桐深院賦情猶在

念奴嬌

陶然亭懷芙初

江亭送客話西風一笛清游曾記已是離愁消未盡禁  
得危闌重倚別浦凝陰回塘弄晚搖漾滄洲意前番衰  
柳向人還又憔悴長恨千里關山南雲不見見蒼烟  
無際帽影緇塵江上路多分霜絲難理潮落秋生水涼  
夢遠休喚眠鷗起相思何許白蘋紅蓼鄉裏

解連環

雪意

畫檐岑寂送寥空倦眼亂鴉飛急護凍雲戲玉猶慳任  
翦取鳳翎不成拋擲睡起癡龍但小試殘年風色照銀

金梁夢月詞上

四

燈點點絮粉淚痕何處相識幽尋灞橋路隔對薰爐  
篆縷清夢難覓做幾番酒醒天寒喚山寺夜鐘水樓長  
笛萬里蒼茫倩誰問飛瓊消息折梅花故人故里寄愁  
未得

金縷曲

芙初殘臘抵京況味寂寥次韻賦贈

玉罽春風煖儘宵深爐香飄盡燭花燒短店月橋霜經  
行處縷縷夢魂誰管向竹裏今番重款別淚青衫痕猶  
凝料琵琶聽徹歌聲輒閒細數鴈程緩征塵寫入江  
南怨自沈吟紫簫非舊翠衾空展燕麥元都無人問況



是素絃聲斷更休訴京華游倦鷗鷺江湖還漂泊甚閒  
雲容易隨舒卷回首處晉陵遠

又

夜坐疊前韻

畫鴨香心煖倚黃昏殘時序漏長檠短官閣梅花開  
猶未吹破一枝羌管念獨夜清尊誰款彈指春光天街  
近漸東風颺得紅塵輒吟擁鼻數聲緩 金梁此夕嗁  
鴉怨黯消凝舊山圖畫不堪重展烟夢淒迷無尋處多  
事彩雲吹斷算顧曲心情都倦喚起青鸞歸飛去看樊  
樓十二珠簾卷千里外寄愁遠

金梁夢月詞上

五

三姝媚

櫻桃

垂檐紅半鞞漸錫簫吹殘茶蘼開過乍啓脣朱趁小腰  
蠻舞玉顏初破禁苑偷銜憐蘸羽鶯黃微沆記憶妝樓  
閒折嬌春粉香千朵 還對珍叢婀娜問露液承盤爲  
誰輕墮翠籠分攜送錦鞍歸去悶拈珠顆寄遠年年將  
恨與鮫綃俱裏怕說杯停婪尾繁陰夢鎖

聲聲慢

偕邵季若自窰臺步至江亭菰蒲蕭蕭殊有濠

濮間意

鉤藤礙屐帶草牽衣循途恰轉回塘鏡曲幽尋疎磬漸  
引雲房。脩然半郊半郭浣塵纓慣詠滄浪聽醉語只山  
僧一笑識我清狂回首前游幾日又西風吹換石冷  
苔荒倦柳依依猶戀澹薄秋光沙鷗漫留後約怕重來  
老卻斜陽歸未得但憑高還晚眺舊鄉

解連環

癸酉秋奉使并門行次恒山驛晉豫分道處也

太行山翠紛來邀客隔河南望鄉思黯然賦寄

伯兄次珩

驛塵三輔向郵亭繫馬晚鐘敲雨看荒垣幾日清秋恰

金梁夢月詞上

六

疎柳當門鎮牽離緒半枕黃梁問短夢今宵何處任吟  
箋唾溼畫燭淚深歸思難賦滹沱去程記否料重尋  
往跡爪印非故儘思量南走邯鄲盼漳水銅臺舊鄉雲  
樹喚客山靈又相約明朝西去寄愁心鴈飛鴈落夜長  
自語

好事近

輿中雜書所見得四闋

杭葦岸纔登行入亂峯層碧十里平沙淺渚又渡頭人  
立筍將搖夢上輕舟舟尾浪花溼恰好烏篷小小載

一肩秋色

自獲鹿至井陘日三四間渡

又

詩句夕陽山扇底故人曾說好是固關西去看萬山紅葉  
翠蛟潭上認題名屐齒爲君折驀地蘚花濃處出一雙胡蝶

陳受笙畫扇贈行題詩有好山都在固關西之句

又

峻坂怯肩輿引綆兩行猶弱幾日牽船岸上只蒲帆難著  
一聲碧月大隄頭舊夢定誰託何似春風天半挽秋千紅索

入太行道中輿前以索挽之

又

引手摘星辰雲氣撲衣如溼前望翠屏無路忽天門中

金梁夢月詞上

七

關等閒雞犬下方聽人住半山側行踏千家檐宇看炊烟斜出

南天門尤陡峻人多鑿窰而居

丁香結

雙柏堂偶述用周美成韻

屋角烟疎井闌人寂纖影月蛾低隕歎流光輕迅玩素景路指苔階蒼潤倦懷曾見否新寒試袖薄更忍天涯  
凝想粉淚定逐爐香飄盡秋引正暗葉吟商夢覺南雲鴈陣鈿尺閒拋紋衾靜倚一燈初暈憑寄歸羽信息  
送喜箋盈寸聯萸屏清詠猶及霜紅未損

踏莎行

勸客清尊。催詩畫鼓。酒痕不管衣襟污。玉笙誰與唱消魂。醉中只想曹騰去。綺席頻邀。高軒慣駐。悶來卻覓棲鴉語。城頭一角。晉陽山。怪他青到無人處。

浪淘沙

擬游晉祠不果

雉堞幾憑闌。拄笏空看。叢祠依舊鎖雲關。如此嵐光渾不識。羞渡桑乾。碧玉瀉潺湲。流水生寒。一聲涼鴈最無端。桐葉西風多少恨。留與青山。

南樓令

歸次壽陽驛霜氣寒甚

金粟夢月詞上

八

候館閑殘。釭淒淒夜已霜。擁青綾一昔雲涼。多事西風吹恨去。隨冷月度回廊。秋夢惱疎狂。征衣惜舊香。有閒心休著。思量憔悴銀屏山。幾疊渾不耐漏聲長。

醜奴兒慢

九月十九日望都縣城外書事

輕塵倦馬。酒醒今宵何處。最愁說瓊簫。花外半壁儲胥。恨入初程。劒歌聲悄。壯心孤。圍棋乘興遲回。命屐一著先輸。鼓吹未聞。淒涼官燭。憔悴軍符。更誰向平原飛騎。笑挽雕弧。廢壘秋笳。怨吟曾到。帳中無傷心。休問遼空。唳鶴殘月。鳴狐。

高陽臺

客有談衛源近事者感賦此調

鴝羽驚媒，龍音感悅，匆匆芳訊偷傳。一紙相思，怨紅嗁  
溼銀箋，連波別有牽魂處。甚回文倦眼，曾看枉猜他珠  
腕。閒題粉淚，輕彈無情，河水東流去。打空城寂寞螢  
火飛殘，埋玉誰家，秦簫吹冷荒烟人閒。多少傷心事，誤  
南柯淺醉酣眠。又爭知孔雀徘徊，還到郎邊。

玉漏遲

耦庚席上賦葛仙米

紺珠塵未埽，綠鸚銜後，黛螺痕小。一捻圓勻，春出玉山

金梁夢月詞上

九

香稻雋味，青精漫擬，待糝入羹湯。還好春又早，紅鹽碧  
醞者，時情抱。相看句漏雲封，只乞米長安，甌塵閒笑。  
旅食年年依舊，石田荒了，儘把丹砂寄與。怕夢裏黃粱  
人老，鄉信杳，知他鴈鴻多少。

聞豫中苦飢

喜遷鶯

過米市胡同作

翻階紅藥，尚作意弄晴，雕闌西角。金谷春迷，蕪城天遠，  
都把俊遊拋卻。悶思去年花發，愁惹今年花落。燕飛盡，  
問悠悠何處，橋邊朱雀。疎箔還更啟，閒拂暗塵，夢短  
憑誰覺。蠟淚黏螢衣，香化蝶，不記那回行樂。舊歡斷魂

人往新侶探芳人約賞心事又從頭聽取柔奴絃索  
月華清

賦得團扇復團扇

小影兜香圓規倚月未秋已自惆悵憔悴回看幾日乍  
縈蛛網記同心有約相攜問半面爲誰羞障烏巷負僧  
彌玉潤繡籬微傍 戲蝶游蹤暗暗想枉鏡彩重重細描  
宮樣宛轉聲中禁得倩魂搖颺掩花容新恨仍迷聽絮  
語舊情難忘低唱付秦淮渡口那時雙漿

又

初夏

金梁夢月詞上

十

燕乳飛遲蠶眠香老一番婪尾吟後怕檢羅衫還怯曉  
寒襟袖蘸簾影綠蔭方重尋履跡豔陽難又孤負聽鷓  
鷓花外那回攜手 伴侶停針話久但強啟窗紗悶添  
晴晝梔子同心忍見素紈描就悔拋卻吹絮光陰任閒  
到熟梅時候依舊試榴紅帚衩爲伊消瘦

絳都春

綠陰

烟絲窈館乍約住翠雲回廊遮徧做暝弄晴沾惹離愁  
愁無限淒香滯粉閒凝眄更誰識殘紅幽怨杜鵑何許  
匆匆儘把豔陽催晚 空戀簪花俊賞是幾度鏡裏朱

顏偷換問取倩魂那信飛鶯吹還轉  
曉妝在隔春風面  
刺黛色眉痕猶見悄然青子枝頭恨長夢短

蝶戀花

送芙初南歸二解

簾底斜陽紅一綫怕近黃昏不放銀鉤卷  
燭影西堂看  
又短金尊只訝宵來淺  
賦罷離情魂欲斷  
砧杵誰家喚起征人怨  
冷到秋心秋不管  
芙蓉卻在江南岸

又

往日題襟同客邸一樹垂楊兩兩吟  
匏寄小巷城南三五里等閒化作盈盈水  
天上秋雲吹易碎送得君歸

金梁夢月詞上

十一

卻問歸何計燕子樓臺斜日裏江南也是消魂地

高陽臺

仙露菴宋宮人餞汪水雲處

白鴈聲殘青蛾淚盡燕臺別路重分供奉琴歌不堪彈  
入離尊興亡夢短黃冠老掩金觴翠袖含顰歎西湖卅  
六離宮何處長門當年環珮空歸去任花樞戀雨佛  
火愁人剩水殘山依然鈴語黃昏紅兜那覓南朝寺話  
滄桑舊額猶存泣銅仙承露盤傾一樣消魂

又

長椿寺明田妃畫像

慈聖李后像並藏寺中

葉落秋槐花零素柰驚鴻省識唬妝月影揚州禁他燕  
館清霜九蓮寂寞閒房共黯殘僧黃帕司香儘關心小  
閣承乾前度昭陽 霓裳未破哀蟬誅指環妃葬地金  
盃銀牀天壽幽宮珠旒翻託明璫相從好奏西陵伎比  
人間椒殿春長漫魂歸一幃芝龕冷話興亡

璽瓏玉

都人夏日賣冰者以兩銅盞相戛作響漁洋詩

所謂櫻桃已過茶香減銅盞聲聲喚賣冰者也  
蓉闕櫻殘早添得韻事京華玻璃沁盃喚來紫陌雙又  
妙手玎璫弄巧勝肩頭鼓打小擔聲譁停車裁油雲隔

金梁夢月詞上

十二

住玉沙

暗想槐薰倦午正窗閒雪藕鼎怯煎茶碎響

玲瓏問驚回好夢誰家屏間珠喉輕和有多少鈴圓磬  
徹低唱消他晚香冷伴清吟深巷賣花

兒童賣晚香玉聲亦可聽

又

瓦噴壺

清暑簾陰晚風送枕簟瀟瀟陶家製出買春不是詩巢  
幾陣階前遞響早千絲玉濺一白珠跳涼宵還相催金  
井桔槔 未擬官哥樣好但瓶長較頸鼓細量腰貯腹  
泉甘尚虧他淺潤堂坳壺公僊蹤曾託更休把冰清心  
跡瓦合輕嘲雨來也埽煩襟如意漫敲



望海潮

送勳楷出守瓊州

銀龍飛蓋油幢濺雪春風乍到南天閩嶠句題

君時取道福州

羊城路指羅浮青入雙鬢烟靄護旌旃早滄溟咫尺催  
渡樓船竹馬人來幾聲銅鼓唱喧闐吟心臥閣清閒  
想桄榔未老胡蝶猶仙蜃雨弄晴蠻花醉曉珊瑚十萬  
瓊田一酌試廉泉問深沈合浦可有珠還埽盡樓臺蜃  
氣吹笛海門山

瑣窗寒

紫泉孝廉李賓石余再從姊壻也病樹不春曇

金梁夢月詞上

三

花遽萎熒熒葳緯其可哀已

聽雨沾春題花卜夜勝游曾幾書傳鴈羽有約玉簫同  
倚踏松陰依然斷腸素絃一昔牙琴碎過招提倦旅當  
時燈暈尚飄紅穗誰寄相思意但絮影埋香酒痕吹  
水秋墳怨語悽入女嬃砧裏話傷心孤雛未將紙錢那  
覓空燕壘判今生塵面西風爲君持淚洗

齊天樂

寒雲

沈寥千里寒空色誰教玉龍輕占望裏仍飛愁邊又聚  
不許梨花香泛陽臺恨斂漫提起巫峯那回春感夢雨

蒼涼楚腰羞向近來減  
探梅曾約舊掩鶴衣尋徑處  
幽賞空念澹欲黏天濃應釀雪贏得今番淒黯山螺翠  
掩更隱約疎林墨痕低染界破冥濛冷鴉三四點

又

寒月

廣寒已是消魂地西風況禁悽惻鷺嶺初升鴛樓乍映  
依約圓冰飛出澄輝似昔只酒罷春溶夢孤秋碧漫憶  
前身水精簾下又今夕青天重訴怨抑素蟾流影外  
難寄消息悄倚娥妝閒拋羿藥一杵元霜空惜瑤笙夜  
寂鬪青女嬋娟誤他嬌魄淚點金波任教菱鏡溼

金梁夢月詞上

十四

又

寒燈

瑣窗閒絮蟲語盈盈倩魂無定盞側星孤盤敲豆小  
爭忍挑來還暈瑤街漏緊待添了銅荷玉膏猶凝夜飲  
誰家九蓮花底喚春醒蘭房幽意自省背人茸帳倚  
金鴨都燼半翦難勝雙心暗怯長盼天涯芳信歡期未  
準任碧悴紅迷怨蛾相映繡被霜濃一枝空照影

又

寒柝

暮天吹角譙門斷淒音乍聞飄渺響接砧疎傳隨箭急

還帶提鈴聲小巖城靜悄伴清漏銅壺幾番昏曉逝水  
年華爲誰消領舊懷抱空街敲恨未了鐵衣來往處  
霜信偏早鷺埃迷烟雞籌喚月那更春光不到離情暗  
惱問挑盡殘燈送愁多少帳底驚魂夜長人易老

又

寒鴉

晚霜天外歸飛急淒淒噤寒無語水驛檣稀河隄樹老  
羞說垂楊終古酸風聽取問積霰平林舊巢安否黯澹  
叢祠陣雲吹送楚江暮蘇臺前事暗數醉歌人未散  
銀箭催曙叫月聲孤棲烟夢冷重憶昭陽何處蕭條倦  
羽悵子夜唳殘白頭還苦鬢影相看玉顏空淚雨

又

寒雀

故枝驚說平林盡霜天幾回飄泊畫舫烟迷朱橋日暮  
多少荒涼村落空倉去卻歎廷尉門前苦飢誰託化蛤  
餘生水雲何處夢難著枋榆重問舊約燕泥凋粉壁  
一樣蕭索廢壘閒尋疎梅乍放且喜幽香堪啣雕檐半  
角更休憶華堂那時行樂翠羽清唳近來風信惡

聲聲慢

晨起踏雪詣向亭

街長帽側徑滑筇扶斜風乍見飛絲款竹門深還更一  
笑相看朝來玉樓凍合怪尖又瘦聳吟肩閒趣好但塵  
襟泥酒醉墨塗箋容易烟雲過也甚鴻泥爪印倦旅  
依然冷落詩囊誰念歲晚長安冰霜待尋伴侶只孤琴  
消得清寒似夢裏又梅花開了故山

新鴈過妝樓

琴硯是賓石所贈

暈墨凝香詩魂化猶依片玉琳瑯半規蕉葉涼信暗翦  
秋霜淚眼研愁書懶寄更無夢約紫泉莊黯情傷廣平  
似石特地回腸紅絲當時共炙借錦箋鏤筆寫怨宮  
商斷紋何許年少慣倚疎狂而今賞音漫索但目送西  
風歸鴈行相思處在翠蟾鉛水盈盈一方

又

冰簪

漏咽銅籤飛瓊過瑤笄誤落雕檐峭風寒翦新意幻出  
纖纖鏤雪鐫霜簾影下鏡臺未怯曉晴占溜痕添悄移  
鳳蠟珠顆教銜犀椎敲來尚惜襯綺疏翠幌碧潤偷  
拈弄妝呵手春恨暗觸晶奩鬢雲更誰試插但著指防  
他清淚淹芳魂去待化成嬌玉花香一篆

訴衷情

芳徑人靜簾外影曉朦朧花信早顛倒任春工鶯語隔  
房櫳匆匆畫樓今夜風是殘紅

又

錦幔斜卷春意懶篆香微人去後楊柳又如絲無語對  
花枝依依小園胡蝶兒恨來時

思佳客

檢點嬌紅瘦幾分含情重問可憐春誰教南浦愁中絮  
卻化西樓夢裏雲吟翠管步香塵小闌花影易黃昏  
從來怕見初弦月纔學蛾眉便學顰

又

金梁夢月詞上

七

帕上新題間舊題苦無佳句比紅兒生憐桃萼初開日  
那信楊花有定時人悄悄晝遲遲殷勤好夢託蛛絲  
繡幃金鴨薰香坐說與春寒總未知

又

寂寞湘簾下玉鉤一春清景似殘秋粉消蕙帳情空寄  
花褪蘭釭恨未休銀鑿落鈿筓歡場那更問朱樓  
雙蛾已是生來淺禁得西窗此夜愁

又

夢語惺忪記未真起來還倚退紅茵綠腰枉自翻新曲  
藍尾誰能惜好春金翦歇玉爐薰懶將纖手試寒溫

人間無著相思處，剗檢羅衣看淚痕。

尉遲杯

歡娛事甚著，眼都作淒涼字。無聊漫寫雲箋，卻把春情喚起。紅牙妙譜也儘許，歌喉按新製。又爭知鳳牒重看，俊游空付流水。餘香醉拍征衫，憐刀翦并州蠟。網長繫冷落花，名人誰識珠淚裏。烏闌半紙，如今縱天河倒瀉，料難望銀鉤墨暈。洗但從他試語，初鶯自尋牆外桃李。

月華清

丙子六月七日晨詣玉泉山，凍雨初歇，車行積

金梁夢月詞上

六

潦中宛如舴艋，小詩呈李芝齡前輩。十頃玻璃坐渺然，天光如水，水如烟。閒情更語淮陰客，要借君家鴨觜船。一騎衝波徑轉，遙半灣秋映玉虹腰。石闌干外垂絲柳，知是江南第幾橋。露珠紺影上衣紗，扇底涼痕一倍加。迤邐湖光吟不斷，風香消受萬荷花。並成此解。

短策吟烟驕，踐淥柔波十里如。如翦一舸誰攜，恰好徑隨花轉。乍喚侶垂柳門邊，更覓路曲闌橋畔。消遣向菱灣，蓼溼等閒尋徧。況是澄湖漲滿，傍岸觜沙，脣鏡匳初展。銀漢盈盈可許浣，紗人見帶空翠半角山。孤蘸秋

影數重天遠歸晚正冰綃索白玉鞭須緩

夢橫塘

荷葉似雲香不斷白石句以慢詞寫之

液池擊豔淥沼含馨溼雲飛滿涼翠千葉香心蕩三十  
六灣秋意倚蓋天長浣衣人杳卷波無際認珠盤冷浸  
一抹橫塘重重碧重重水 媽紅半落誰憐但參差遠  
影還蘸吟袂鶯送鷗迎料未許夕陰吹碎喚小艇青匳  
搖夢待覓風痕過烟尾甚日開門藕花多處約詞仙同  
醉 藕花多處別開門亦白石句

江城梅花引

金梁夢月詞上

九

一雙銀蒜暮丁冬是東風是西風吹得疎疎涼雨打梧  
桐沈水半消金鴨冷人不見夢依依喚玉驄 玉驄玉  
驄無路通步霜紅霜更濃過也過也過不了咫尺簾櫳  
依舊相思圍住畫闌中推枕起來還欲睡樓角外又蕭  
條聽斷鴻

菩薩蠻

竹梧重疊交窗影水紋簾卷冰花冷燈穗墮空烟夢回  
秋可憐 玉階人不見絡緯噉成怨銀漢信沈沈碧雲  
深更深

又

門前簾幕垂垂護出門待索銀蟾語圓影可憐低曉風  
吹又西 十三絃上意箏柱還搖曳聽到別情無一聲  
金鴈孤

又

映門衰柳無顏色長條一夜西風急人倚小紅樓闌干  
天際愁 愁來天又暮艇子衝波去打槳問鴛鴦鴛鴦  
秋夢長

又

朱闌半亞涼波淨回風綠蘸烟蕪影烟外幾人家天涯  
卽水涯 蓮衣寒惻惻蕙帶寒無力到此合魂消冷香

金梁夢月詞上

下

黏畫橋

又

輕羅一翦情懷重海棠冷落西川夢掩映幾枝斜瘦痕  
秋在花 蒼苔餘繾綣履跡閒尋徧無處問東風亂鴉  
殘照中

又

金觴玉筯江淹句當年南浦愁人處衰草戀斜暉王孫  
歸不歸 悽悽秋社語梁燕仍羈旅倦尾路雙又烏衣  
何處家

又



芙蓉城上花憔悴紫泉月冷重門閉門外夜烏嗥傷心  
聞擣衣團團爭忍見畫筵愁無限何處去年人酒痕  
沾淚痕

又

春城買盡麻姑酒醉來繫馬城邊柳漂泊十年閒離情  
山上山秣陵書懶寄舊約空彈指泉路斷腸時人間  
誰復知

思佳客

德勝門外兩間房茶肆題壁一詩自敘漂泊楚  
楚可憐款署雲間小倩不知何許人也賦小詞

金梁夢月詞上

廿一

紀之並邀芝齡前輩同作

塵壁憑誰護絳紗西風涼處見秋花知音渺渺憐人世  
薄命依依念歲華吟蕙草怨匏瓜吳淞飛絮又天涯  
一春夢雨傷心事休問江南燕子家

洞仙歌

賓石曩主鍾仰山侍講家最久偶訪舊館愴然  
黃墟之思用玉田觀花外集有感韻

燕歸何處過烏衣門第一帶輕烟隔秋水歎衫痕暈酒  
琴語絃詩三十載塵世賞音無此吟魂猶在否幾葉  
雲箋澹墨重尋舊題字夢蝶不歸來鏡裏芙蓉翦霜影

一枝紅碎有鄰笛依依故人心問蠟炬成灰夜臺知未  
相見歡

鑪香冷了金猊鏡臺攜不信生來長見翠眉低 春夢  
斷畫闌畔舊情迷剛是曉鴉啼後子規啼

又

一絲秋入雕梁燕雙雙鷺地庭梧已做十分涼 楚竹  
簾越羅扇漫思量咫尺畫闌西畔是斜陽

浪淘沙

秋蟬和衍石

涼思又銅盤琴外聲殘一庭愁碧鎮相憐冷入秋心飛

金梁夢月詞上

廿三

不去衰柳年年 何處說荒寒落葉長安西風休更倚  
闌干弱羽脩脩真似我鬢影羞看

清平樂

憶梅

尋尋覓覓竹外人孤立研粉銀箋題又溼冷卻翠禽消  
息 舊時芳訊依然而今幽恨年年一笛綺窗歸夢故  
山無奈春寒

揚州慢

琴隴抵京數日奉諱南去賦此代東

銀管拈愁玉箋封淚十年人老藤花趁飛鳧小影又斂

翼京華認當日題名醉墨翠陰深處重拂窗紗話風流  
帟屐多時香散蜂衙舊游過眼漫低回身世搏沙歎  
候館淒燈歸艤倦枕殘夢誰家喚起二分明月蕪城怨  
寫入唳鴉但潮生潮落秋聲容易天涯

憶舊游

題畫

向生綃託興縹緲襟期刊落塵緣異境無人到望瑤岑  
矗筍玉井開蓮冷光半溼幽翠烟影散虛壇想萬壑松  
風珠庭近接渺矣高寒靈源竟何許有幾片桃花流  
出雲間漫說丹邛隔便移家好住誰耐清閒石牀自寫

金梁夢月詞上

廿三

琴意空外揖羣仙待月白千峯相攜跨鶴天際看

天香

水仙花

水豔吟香花情眷夢湘皋記共游冶蓋側塗金簪橫削  
玉霧帶碧痕低亞通詞試託問甚日仙魂初化翠羽明  
珠不見依然冷雲凝夜銀釭舊愁自寫倚冰籀薄寒  
吹麝一掬茜窗清淚粉妝慵卸還恐春風喚起又暗憶  
扁舟古祠下素襪無聲凌波去也

綠意

冬蕉

牆陰翠擢記綠天深處題翰曾約黯黯吟魂惻惻寒宵  
禁他瘦倚欄角多生已苦秋窗雨況夢影霜華凋落儘  
故人書葉留看早是怨懷難託誰倩瑤函寄語寸箋  
料未許春信偷覺一束相思可奈伶俜慣與西風梳掠  
緘愁緘恨還緘淚任蠟樣芳心拋卻待雪殘重結清游  
好覓輞川池閣

摸魚子

長至前夕偕芙初琴南飲衍石齋中偶述

浣冰毫擘箋題句宵分絳蠟重翦玉珂風外閒身在恰  
趁翠尊寒淺梅信緩問半萼吹香瘦影供誰眷天涯念

金梁夢月詞上

廿四

遠但蘭佩浮湘

向亭

桐圭訪古

耦庚

長記故人面

新聲倚

換羽移宮難慣旗亭按拍都倦宣南坊裏聯吟處只有  
盞簪堪戀塵夢短算買得鶯鄰何必論鄉縣荷衣倘換  
駕一葉沙棠吳根越角要結鷺鷗伴

